



Կ Ա Ր Գ

**ԵՊՀ ԻԶԵՎԱՆԻ ՄԱՍՆԱՃՅՈՒՂԻ ԱՆԳԼԵՐԵՆ ԼԵԶՎԻ
ՈՒՍՈՒՑՄԱՆ ԿԵՆՏՐՈՆԻ**

<18> ապրիլի 2015թ.

ք. Իջևան

1. Սույն կարգով սահմանվում է ԵՊՀ Իջևանի մասնաճյուղում Անգլերեն լեզվի ուսուցման կենտրոնի ստեղծման, լուծարման և գործառույթների իրականացման հետ կապված հարաբերությունները:
Կենտրոնի գործունեությունը կարգավորվում է <<Բարձրագույն և հետբուհական մասնագիտական կրթության մասին 14.12.2004թ., <<Կրթության մասին>> 14.04.1999թ. ՀՀ օրենքներով, ԵՊՀ Իջևանի մասնաճյուղի կանոնադրությամբ և սույն կարգով:
2. Կենտրոնի հիմնական խնդիրներն են
 - Հաստատված ուսումնական ծրագրերով Անգլերեն լեզվի բարձր որակավորում ունեցող դասախոսների միջոցով սկսնակ և ոչ սկսնակ ուսանողների հիմնական կրթական ծրագրերից դուրս ուսուցանում և բարձրագույն կրթություն ունեցող այլ մասնագետների վերապատրաստում,
 - Կենտրոնը իր գործունեությունն իրականացնում է մասնաճյուղի Հումանիտար գիտությունների ֆակուլտետի Օտար լեզուների ամբիոնի կողմից երաշխավորված ուսումնական պլանով,
 - Կենտրոնի դասախոսները նշանակվում և ազատվում են մասնաճյուղի տնօրենի հրամանով՝ կենտրոնի պատասխանատուի երաշխավորությամբ:
3. Կենտրոնի կառուցվածքը և կառավարումը
 - Կենտրոնը ղեկավարում է մասնաճյուղի տնօրենի կողմից հրամանով նշանակված պատասխանատուն,
 - Կենտրոնի անձնակազմի մեջ մտնում են դասախոսները և օժանդակ աշխատակիցները:
4. Կենտրոնի պատասխանատուն
 - Կազմակերպում, ծրագրավորում, համակարգում, ղեկավարում և վերահսկում է կառույցի ընթացիկ գործավարությունը,
 - Կենտրոնի աշխատակիցներին տալիս է համապատասխան ցուցումներ և հանձնարարականներ,

- Կազմակերպում և վերահսկում է կենտրոնում տարվող ֆինանսական և ընդհանուր գործավարությունը,
 - Պատասխանատու է կենտրոնի կողմից իրականացվող աշխատանքների որակի, արդյունավետության և նրա առջև դրված խնդիրների պատշաճ լուծման համար,
 - Առաջարկություն է ներկայացնում մասնաճյուղի տնօրենի աշխատակիցներին խրախուսելու կամ տույժի ենթարկելու վերաբերյալ:
- 5. Ուսման տևողությունը, վճարի չափը և վճարման կարգը**
- Ուսման տևողությունը 3 ամիս է, այն սկսվում է 2015թ. ապրիլի 15-ից, ավարտվում՝ 2015թ. հուլիսի 15-ին,
 - Ուսման վճարը ամսական կտրվածքով սահմանվում է 5000 դրամ, որը կանխիկ կարգով մուծվում է մասնաճյուղի դրամարկղ,
- Դասախոսների վարձատրությունը կատարվում է ժամավճարային հիմունքներով՝ վճարներից ստացված գումարի 70 %-ի չափով:
- 6. Կենտրոնի ուսանողի պարտականությունները**
- Պարտադիր կերպով հաճախել կազմակերպվող դասընթացներին և կատարել ծրագրով նախատեսված բոլոր առաջադրանքները,
 - Պահպանել և կատարել սույն կարգով և մասնաճյուղի ներքին կարգապահական կանոններով պահանջվող բոլոր պայմանները,
 - Հոգատարությամբ վերաբերվել հաստատության գույքին,
 - Լինել կարգապահ և ուսումնական և այլ կառույցներում պահպանել մաքրություն,
 - Սահմանված ժամկետներում մուծել ուսման վարձը:
- 7. Կենտրոնի ուսանողի իրավունքները**
- Օգտվել մասնաճյուղի գրադարանից և համակարգչային սրահների հնարավորություններից,
 - Սահմանված կարգով բողոքարկել կենտրոնի պատասխանատուի և դասախոսների ոչ կանոնադրական պահանջների կապակցությամբ,
 - Սահմանված ժամկետից շուտ հրաժարվել պարապմունքներից:
- 8. Կենտրոնի դասախոսների խնդիրներն են**
- Ուսուցանվող առարկայի և համապատասխան թեմաների վերաբերյալ ունենալ մասնագիտական բավարար գիտելիքներ,
 - Պարբերաբար զարգացնել և ընդլայնել դասավանդման հմտություններն ու ժամանակակից ձևերը,
 - Ուսանողներին ապահովել ծրագրով նախատեսված ռեսուրսներով և թեմաներով,
 - Պատասխանատու լինել մատուցած նյութի որակի և դրա ապահովման համար:

9. Դասախոսն իրավունք ունի

- Ունենալ կազմակերպական և նյութատեխնիկական պայմաններ մասնագիտական գործունեության իրականացման համար,
- Մասնակցել կենտրոնի գործունեության վերաբերյալ հարցերի քննարկմանն ու լուծմանը,
- Օրենքով չարգելված բոլոր միջոցներով պաշտպանել իր իրավունքներն ու շահերը,
- Ժամանակին և ամբողջ ծավալով ստանալ կենտրոնում կատարած դասախոսական աշխատանքների դիմաց վարձատրություն:

10. Ուսումնական գործընթացի մեթոդական ապահովումը, որն իր մեջ ներառում է՝

- Ուսումնական պլանով նախատեսված ծրագրեր,
- Ինքնուրույն աշխատանքների կազմակերպման համար մեթոդական ցուցումներ,
- Ամփոփիչ ստուգումների հարցաշարեր,
- Կենտրոնի կողմից մշակված տեսալսողական նյութեր: